

नमो नमो निम्मलदंसणस्स
पूज्य आनंद-क्षमा-ललित-सुशील-सुधर्मसागर गुरुभ्यो नमः

On Line – आगममंजूषा

[४४] नंदीसूयं

* संकलन एवं प्रस्तुतकर्ता *

मुनि दीपरत्नसागर [M.Com., M.Ed., Ph.D.]

॥ किञ्चित् प्रास्ताविकम् ॥

ये आगम-मंजूषा का संपादन आजसे ७० वर्ष पूर्व अर्थात् वीर संवत् २४६८, विक्रम संवत्-१९९८, ई.स.1942 के दौरान हुआ था, जिनका संपादन पूज्य आगमोद्धारक आचार्यश्री [आनंदसागरसूरिजी](#) म.सा.ने किया था। आज तक उन्ही के प्रस्थापित-मार्ग की रोशनी में सब अपनी-अपनी दिशाएँ ढूँढते आगे बढ़ रहे हैं।

हम ७० साल के बाद आज ई.स.-2012, विक्रम संवत्-२०६८, वीर संवत्-२५३८ में वो ही आगम-मंजूषा को कुछ उपयोगी परिवर्तनों के साथ इंटरनेट के माध्यम से सर्वथा सर्वप्रथम “**OnLine-आगममंजूषा**” नाम से प्रस्तुत कर रहे हैं।

* मूल आगम-मंजूषा के संपादन की किञ्चित् भिन्नता का स्वीकार *

- [१] आवश्यक सूत्र-(आगम-४०) में केवल मूल सूत्र नहीं है, मूल सूत्रों के साथ निर्युक्ति भी सामिल की गई है।
[२] जीतकल्प सूत्र-(आगम-३८) में भी केवल मूल सूत्र नहीं है, मूलसूत्रों के साथ भाष्य भी सामिल किया है।
[३] जीतकल्प सूत्र-(आगम-३८) का वैकल्पिक सूत्र जो “पंचकल्प” है, उनके भाष्य को यहाँ सामिल किया गया है।

[४] “ओघनिर्युक्ति”-(आगम-४१) के वैकल्पिक आगम “पिंडनिर्युक्ति” को यहाँ समाविष्ट तो किया है, लेकिन उनका मुद्रण-स्थान बदल गया है।


[५] “कल्प(बारसा)सूत्र” को भी मूल आगममंजूषा में सामिल किया गया है।

-मुनि दीपरत्नसागर

: Address:-

Mnui Deepratnasagar,
MangalDeep society, Opp.DholeswarMandir,
POST:- THANGADH Dist.surendranagar.
Mobile:-9825967397 jainmunideepratnasagar@gmail.com

मुनि दीपरत्नसागर



श्रीमन्नन्दीसूत्रम्:-

जयइ जगजीवजोणीवियाणओ जगगुरू जगणंदो । जगणाहो जगबंधू जयइ जगप्पियामहो भयवं ॥१॥ जयइ सुआणं पभवो तित्थयराणं अपच्छिमो जयइ । जयइ गुरू लोगाणं
जयइ महप्पा महावीरो ॥ २ ॥ भदं सच्चजगुजोयगस्स भदं जिणस्स वीरस्स । भदं सुरासुरनमंसियस्स भदं धुयरयस्स ॥ ३ ॥ गुणभवणगहण सुयरयणभरिय दंसणविसुद्धरत्थागा ।
संघनगर ! भदं ते अखंडचारित्तपागारा ॥ ४ ॥ संजमतवतुंबारयस्स नमो सम्मत्तपारियल्लस्स । अप्पडिचक्कस्स जओ होउ सया संघचक्कस्स ॥ ५ ॥ भदं सीलपडागूसियस्स तवनियमतुरयजुत्तस्स । संघरहस्स
भगवओ सज्झायसुनंदिघोसस्स ॥ ६ ॥ कम्मरयजलोहविणिग्गयस्स सुयरयणदीहनालस्स । पंचमहव्वयथिरकन्नियस्स गुणकेसरालस्स ॥ ७ ॥ सावगजणमहुअरपरिवुडस्स जिणसूरतेयबुद्धस्स । संघपउमस्स
भदं समणगणसहस्सपत्तस्स ॥ ८ ॥ तवसंजममयलंछण अकिरियराहुमुहदुद्धरिस निच्चं । जय संघचंद ! निम्मलसम्मत्तविसुद्धजोणहागा ! ॥ ९ ॥ परतित्थियगहपहनासगस्स तवतेयदित्तलेसस्स । नाणुजोयस्स
जए भदं दमसंघसूरस्स ॥ १० ॥ भदं धिइवेलापरिगयस्स सज्झायजोगमगरस्स । अक्खोहस्स भगवओ संघसमुदस्स रुंदस्स ॥ १ ॥ सम्मदंसणवरवइरदढरुढगाढावगाढपेढस्स । धम्मवररयणमंडिअचामीयरमेहलागस्स
॥ २ ॥ नियमूसियकणयसिलायलुज्जलजलंतचित्तकूडस्स । नंदणवणमणहरसुरभिसीलंगंधुद्धुमायस्स ॥ ३ ॥ जीवदयासुंदरकंदरुद्धरियमुणिवरमइंदइन्नस्स । हेउसयधाउपगलंतरयणदित्तोसहिगुहस्स ॥ ४ ॥ संवरवर-
जलपगलियउज्झरपविरायमाणहारस्स । सावगजणपउररवंतमोरनच्चंतकुहरस्स ॥ ५ ॥ विणयनयपवरमुणिवरफुरंतविज्जुज्जलंतसिहरस्स । विविहगुणकप्परुक्खगफलभरकुसुमाउलवणस्स ॥ ६ ॥ नाणवररयणदिप्पंत-
कंतवेरुलियविमलचूलस्स । वंदामि विणयपणओ संघमहामंदरगिरिस्स ॥ ७ ॥ गुणरयणुज्जलकडयं सीलसुगंधतवमंडिउदेसं । सुयबारसंगसिहरं संघमहामंदरं वंदे ॥ १ ॥ नगररहचक्कपउमे चंदे सूरै समुद मेरुंमि । जो
उवमिज्जइ सययं तं संघगुणायरं वंदे ॥ प्र० २ ॥ (वंदे) उसभं अजियं संभवमभिनंदण सुमइ सुप्पभ सुपासं । ससि पुप्फदंत सीयल सिज्जंसं वासुपुज्जं च ॥ ८ ॥ विमलमणंतय धम्मं सन्ति कुथुं अरं च मट्ठिं च । मुनिसुव्वय
नमि नेमिं पासं तह वद्धमाणं च ॥ ९ ॥ पढमित्थ इंदभूई बीए पुण होइ अग्गिभूइत्ति । तईए य वाउभूई तओ वियत्ते सुहम्मे य ॥ २० ॥ मंडिअ मोरियपुत्ते अकंपिए चेव अलयभाया य । मेअज्जे य पहासे गणहरा
हुंति वीरस्स ॥ १ ॥ निव्वुइपहसासणयं जयइ सया सच्चभावदेसणयं । कुसमयमयणासणयं, जिणिंदवरवीरसासणयं ॥ २ ॥ सुहम्मं अग्गिवेसाणं, जंबूनामं च कासवं । पभवं कच्चायणं वंदे, वच्छं सिज्जंभवं तथा ॥ ३ ॥
जसभदं तुंगियं वंदे, संभूयं चेव माढरं । भदबाहुं च पाइन्नं, थूलभदं च गोयमं ॥ ४ ॥ एलावच्चसगोत्तं वंदामि महागिरिं सुहत्थिं च । तत्तो कोसिअगोत्तं बहुलस्स सरिच्चयं वन्दे ॥ ५ ॥ हारियगुत्तं साइं च वंदिमो
हारियं च सामज्जं । वंदे कोसियगोत्तं संडिल्लं अज्जजीयधरं ॥ ६ ॥ तिसमुदस्सायकित्तिं दीवसमुदेषु गहियपेयालं । वंदे अज्जसमुदं अक्खुभियसमुदगंभीरं ॥ ७ ॥ भणगं करगं झरगं पभावगं णाणदंसणगुणाणं ।

वंदामि अजमंगुं सुयसागरपारगं धीरं ॥ ८ ॥ वंदामि अजधम्मं वंदे ततो य भद्गुत्तं च । ततो य अजवेरं तवनियमगुणेहिं वइरसमं ॥ ३ ॥ वंदामि अजरक्खियखमणे रक्खियचरित्तसव्वस्से । रयणकरंडग-
 भूओ अणुओगो रक्खिओ जेहिं ॥ प्र० ४ ॥ नाणंमि दंसणंमि अ तवविणए णिच्चकालमुज्जुत्तं । अजं नंदिलखमणं सिरसा वंदे पसन्नमणं ॥ ९ ॥ वड्डउ वायगवंसो जसवंसो अजनागहत्थीणं । वागरणकरणभं-
 गियकम्मपयडीपहाणाणं ॥ ३० ॥ जच्चंजणधाउसमप्पहाण मुद्दियकुवलयनिहाणं । वड्डउ वायगवंसो रेवइनक्खत्तनामाणं ॥ १ ॥ अयलपुरा णिक्खंते कालियसुयआणुओगिए धीरे । बंभदीवगसीहे वायगपय-
 मुत्तमं पत्ते ॥ २ ॥ जेसिं इमो अणुओगो पयरइ अज्जावि अड्डभरहम्मि । बहुनयरनिग्गयजसे ते वंदे खंदिलायरिए ॥ ३ ॥ ततो हिमवन्तमहंतविक्रमे धिइपरकममणंते । सज्झायमणंतधरे हिमवंते वंदिमो
 सिरसा ॥ ४ ॥ कालियसुयअणुओगस्स धारए धारए य पुद्धानं । हिमवंतखमासमणे वंदे णागज्जुणायरिए ॥ ५ ॥ मिउमइवसंपन्ने अणुपुब्बिं वायगत्तणं पत्ते । ओहसुयसमायारे नागज्जुणवायए वंदे ॥ ६ ॥ गोविं-
 दाणंपि नमो अणुओगविउल्लधारणिंदाणं । णिच्चं खंतिदयाणं परूवणेऽदुद्धभिन्नानं ॥ ५ ॥ ततो य भूयदिन्नं निच्चं तवसंजमे अनिच्चिण्णं । पंडियजणऽसामन्नं वंदामी संजमविहिण्णुं ॥ प्र० ६ ॥ वरकणगतवि-
 यचंपगविमउल्लवरकमल्लगच्चसखिन्ने । भविअजणहिययदइए दयागुणविसारए धीरे ॥ ७ ॥ अड्डभरहप्पहाणे बहुविहसज्झायसुमुणियपहाणे । अणुओगियवरवसभे नाइलकुल्लवंसनंदिकरे ॥ ८ ॥ भूयहिअयप्पगग्भे
 वंदेऽहं भूयदिन्नमायरिए । भवभयवुच्छेयकरे सीसे नागज्जुणरिणीण ॥ ९ ॥ सुमुणियनिच्चानिच्चं सुमुणियसुत्तत्थधारयं वंदे । सब्भावुच्चभावणया तत्थं (च्चं) लोहिच्चणामाणं ॥ ४० ॥ अत्थमहत्थक्खाणिं सुसमण-
 वक्खाणकहणनिच्चाणिं । पयईइ महुरवाणिं पयओ पणमामि दूसगणिं ॥ १ ॥ सुकुमालकोमलतले तेसिं पणमामि लक्खणपसत्थे । पाए पावयणीणं पडिच्छयसएहिं पणिवइए ॥ २ ॥ जे अच्चे भगवंते कालि-
 अमुयआणुओगिए धीरे । ते पणमिऊण सिरसा नाणस्स परूवणं वोच्छं ॥ ३ ॥ सेलघण कुडग चालणि परिपूणग हंस महिस मेसे य । मसग जलूग बिराली जाहग गो भेरी आभीरी ॥ ४ ॥ सा समासओ ति-
 विहा पन्नत्ता, तंजहा-जाणिआ अजाणिआ दुब्बिअड्डा य, जाणिआ जहा-खीरमिव जहा हंसा जे उणघुट्टंति गुरुगुणसमिद्धा । दोसे अ विक्कंती तं जाणसु जाणिअं परिसं ॥ ५ ॥ अजाणिआ जहा-जा होइ
 पगइमहुरा मियल्लावयसीहकुक्कुडयभूआ । रयणमिव असंठविआ अजाणिआ सा भवे परिसा ॥ ६ ॥ दुब्बिअड्डा जहा-‘ न य कत्थइ निम्माओ न य पुच्छइ परिभवस्स दोसेणं । वत्थिब्व वायपुण्णो फुट्टइ गा-
 मिह्ठयविअड्डो ॥ ७ ॥ नाणं पंचविहं पन्नत्तं, तंजहा-आभिणिच्चोहिअनाणं सुअनाणं ओहिनाणं मणपज्जवनाणं केवलनाणं । सूत्रं १ । तं समासओ दुविहं पणत्तं, तंजहा-पच्चक्खं च परोक्खं च । २ । से किं
 तं पच्चक्खं?, २ दुविहं पणत्तं, तंजहा-इंदियपच्चक्खं च नोइंदियपच्चक्खं च । ३ । से किं तं इंदिअपच्चक्खं?, २ पंचविहं पणत्तं, तंजहा-सोइंदिअ० चक्खिदिअ० घाणिंदिअ० जिच्चिंभिदिअ० फासिंदिअप-
 च्चक्खं । ४ । से किं तं नोइंदिअपच्चक्खं?, २ तिविहं पणत्तं, तंजहा-ओहिनाण० मणपज्जवणाण० केवलनाणपच्चक्खं । ५ । से किं तं ओहिनाणपच्चक्खं?, २ दुविहं पणत्तं, तंजहा-भवपच्चइअं च खओवस-
 मियं च । ६ । से किं तं भवपच्चइअं?, २ दुण्हं, तंजहा-देवाण य नेरइआण य । ७ । से किं तं खओवसमिअं?, २ दुण्हं, तंजहा-मणूसाण य पंचेदिअतिरिक्खजोणिआण य-को हेऊ खओवसमियं?, खओ-
 वसमियं तथावरणिज्जाणं कम्माणं उदिण्णाणं खएणं अणुदिण्णाणं उवसमेणं ओहिनाणं समुप्पज्जइ । ८ । अहवा गुणपडिवन्नस्स अणगारस्स ओहिनाणं समुप्पज्जइ, तं समासओ लुव्विहं पन्नत्तं तं०-आणुगा-
 मिअं अणाणुगामिअं वड्डमाणयं हीयमाणयं पडिवाइयं अप्पडिवाइयं । ९ । से किं तं आणुगामिअं ओहिनाणं?, २ दुविहं पणत्तं तंजहा-अंतगयं च मज्झगयं च, से किं तं अंतगयं?, २ तिविहं पन्नत्तं,
 तंजहा-पुरओ अंतगयं मग्गओ अंतगयं पासओ अंतगयं, से किं तं पुरओ अंतगयं?, २ जहानामए केइ पुरिसे उक्कं वा चडुलिअं वा अलायं वा मणिं वा पईवं वा जोइं वा पुरओ काउं पणुट्टेमाणे २ गच्छे-
 जा, से तं पुरओ अंतगयं, से किं तं मग्गओ अंतगयं?, २ से जहानामए केइ पुरिसे उक्कं वा० मग्गओ काउं अणुकड्डेमाणे २ गच्छिज्जा, से तं मग्गओ अंतगयं, से किं तं पासओ अंतगयं?, २ से जहा-
 नामए केइ पुरिसे उक्कं वा० पासओ काउं परिकड्डेमाणे २ गच्छिज्जा, से तं पासओ अंतगयं, से तं अंतगयं । से किं तं मज्झगयं?, २ से जहानामए केइ पुरिसे उक्कं० मत्थए काउं समुत्तहमाणे २ गच्छि-
 ज्जा, से तं मज्झगयं, अंतगयस्स मज्झगयस्स य को पइविसेसो?, पुरओ अंतगएणं ओहिनाणेणं पुरओ चेव संखिज्जाणि वा असंखेज्जाणि वा जोअणाइं जाणइ पासइ, मग्गओ अंतगएणं ओहिनाणेणं मग्गओ
 चेव संखिज्जाणि वा असंखि० जाणइ पासइ, पासओ अंतगएणं पासओ चेव संखिज्जाणि वा असंखि० जाणइ पासइ, मज्झगएणं ओहिनाणेणं सव्वओ समंता संखिज्जाणि वा असंखि० जाणइ पासइ, से तं
 आणुगामिअं ओहिनाणं । १० । से किं तं अणाणुगामिअं ओहिनाणं?, २ से जहानामए केइ पुरिसे एगं महंतं जोइट्टाणं काउं तस्सेव जोइट्टाणस्स परिपेरंतेहिं २ परिघोत्तेमाणे २ तमेव जोइट्टाणं जाणइ पासइ,
 अन्नत्थ गए न जाणइ न पासइ, एवामेव अणाणुगामिअं ओहिनाणं जत्थेव समुप्पज्जइ तत्थेव संखेज्जाणि वा असंखेज्जाणि वा संबद्धाणि वा असंबद्धाणि वा जोअणाइं जाणइ पासइ, अन्नत्थ गए ण जाणइ
 ण पासइ, सेत्तं अणाणुगामिअं ओहिनाणं । ११ । से किं तं वड्डमाणयं ओहिनाणं?, २ पसत्थेसु अज्झवसाणट्टाणेसु वट्टमाणस्स वड्डमाणचरित्तस्स विसुज्झमाणस्स विसुज्झमाणचरित्तस्स सव्वओ समंता
 ओही वड्डइ-‘जावइआ तिसमयाहारगस्स सुहुमस्स पणगजीवस्स । ओगाहणा जहन्ना ओहीखित्तं जहन्नं तु ॥ ४८ ॥ सव्वबहुअगणिजीवा निरंतरं जत्तियं भरिज्जंसु । खित्तं सव्वदिसागं परमोही खेत्त निदिट्ठो

॥ ४९ ॥ अंगुलमावलिआणं भागमसंखिज्ज दोसु संखिज्जा । अंगुलमावलिअंतो आवलिआ अंगुलपुहुत्तं ॥५०॥ हत्थंमि मुहुत्ततो दिवसंतो गाउअंमि बोद्धवो । जोयण दिवसपुहुत्तं पक्खंतो पन्नवीसाओ ॥५१॥ भरहंमि अद्धमासो जंबुदीवंमि साहिओ मासो । वासं च मणुअलोए वासपुहुत्तं च रुअगंमि ॥५२॥ संखिज्जंमि उ काले दीवसमुद्दाऽवि हुंति संखिज्जा । कालंमि असंखिज्जे दीवसमुद्दा उ भइअव्वा ॥५३॥ काले चउण्ह वुड्ढी कालो भइअव्वा खित्तवुड्ढीए । वुड्ढीए दव्वफ्ज्जव भइअव्वा खित्तकाला उ ॥५४॥ सुहुमो य होइ कालो ततो सुहुमयरयं हवइ खित्तं । अंगुलसेढीमित्ते ओसप्पिणिओ असंखिज्जा ॥५५॥ सेत्तं वड्ढमाणयं ओहिनाणं । १२ । से किं तं हीयमाणयं ओहिनाणं ?, २ अप्पसत्थेहिं अज्झवसाणट्टाणेहिं वट्टमाणस्स संकिलिस्समाणस्स संकिलिस्समाणचरित्तस्स सब्बओ समंता ओही परिहायइ, सेत्तं हीयमाणयं ओहिनाणं । १३ । से किं तं पडिवाइओहिनाणं ?, २ जहण्णेणं अंगुलस्स असंखिज्जइभागं वा संखिज्जभागं वा वालग्गं वा वालग्गपुहुत्तं वा लिक्खं वा लिक्खपुहुत्तं वा जूअं वा जूयपुहुत्तं वा जवं वा जवपुहुत्तं वा अंगुलं वा अंगुलपुहुत्तं वा पायं वा पायपुहुत्तं वा विहत्थीं वा विहत्थिपुहुत्तं वा रयणिं वा रयणिपुहुत्तं वा कुच्छिं वा कुच्छिपुहुत्तं वा धणुं वा धणुपुहुत्तं वा गाउअं वा गाउपुहुत्तं वा जोअणं वा जोअणपुहुत्तं वा जोअणसयं वा जोयणसयपुहुत्तं वा जोयणसहस्सं वा जोयणसहस्सपुहुत्तं वा जोअणलक्खं वा जोअणलक्खपुहुत्तं वा जोयणकोडिं वा जोयणकोडिपुहुत्तं वा संखेज्जाणि वा असंखेज्जाणि वा जोयणसहस्साइं उक्कोसेणं लोगं वा पासित्ताणं पडिवाइज्जा, सेत्तं पडिवाइओहिनाणं । १४ । से किं तं अपडिवाइओहिनाणं ?, २ जेणं अलोगस्स एगमवि आगासपएसं जाणइ पासइ, तेण परं अपडिवाइओहिनाणं, सेत्तं अपडिवाइओहिनाणं । १५ । तं समासओ चउव्विहं पण्णत्तं, तंजहा-दव्वओ खित्तओ कालओ भावओ, तत्थ दव्वओ णं ओहिनाणी जहन्नेणं अणंताइं रूविदव्वाइं जाणइ पासइ उक्कोसेणं सव्वाइं रूविदव्वाइं जाणइ पासइ, खित्तओ णं ओहिनाणी जहन्नेणं अंगुलस्स असंखिज्जइभागं जाणइ पासइ उक्कोसेणं असंखिज्जाइं अलोगे लोगप्पमाणमित्ताइं खंडाइं जाणइ पासइ, कालओ णं ओहिनाणी जहन्नेणं आवलिआए असंखिज्जइभागं जाणइ पासइ उक्कोसेणं असंखिज्जाओ उस्सप्पिणीओसप्पिणीओ अईयमणागयं च कालं जाणइ पासइ, भावओ णं ओहिनाणी जहन्नेणवि अणंते भावे जाणइ पासइ उक्कोसेणवि अणंते भावे जाणइ पासइ, सब्बभावाणमणंतभागं जाणइ पासइ । १६ । 'ओही भवपच्चइओ गुणपच्चइओ य वणिणओ दुविहो । तस्स य बहू विगप्पा दव्वे खित्ते य काले य ॥५६॥ नेरइय देव तित्थंकरा य ओहिस्सऽवाहिरा हुंति । पासंति सब्बओ खलु सेसा देसेण पासंति ॥५७॥ से तं ओहिनाणपच्चक्खं । से किं तं मणपज्जवनाणं?, मणपज्जवनाणे णं भंते ! किं मणुस्साणं० अमणुस्साणं उप्पज्जइ ?, गोअमा ! मणुस्साणं, नो अमणुस्साणं, जइ मणुस्साणं किं संमुच्छिममणुस्साणं गब्भवकंतिअमणुस्साणं ?, गोअमा ! नो संमुच्छिममणुस्साणं, गब्भवकंतिअमणुस्साणं, जइ गब्भवकंतिअमणुस्साणं किं कम्मभूमिअ० अकम्मभूमिय० अंतरदीवगगब्भवकंतिअमणुस्साणं ?, गोअमा ! कम्मभूमिअग० नो अकम्मभूमिअग० नो अंतरदीवगग०, जइ कम्मभूमिअगग्भवकंतिअमणुस्साणं किं संखिज्जवासाउय० असंखिज्जवासाउअ०?, गोअमा ! संखेज्जवासाउअ० नो असंखेज्जवासाउअ०, जइ संखेज्जवासाउय० किं पज्जत्तगसंखेज्जवासाउअ० अपज्जत्तगसंखेज्जवासाउअ०?, गोअमा ! पज्जत्तगसंखेज्जवासाउअ० नो अपज्जत्तगसंखेज्जवासाउअ०, जइ पज्जत्तगसंखिज्जवासाउअ० किं सम्महिट्ठिपज्जत्तगसंखेज्जवासाउअ० मिच्छादिट्ठिपज्जत्तगसंखिज्जवासाउअ० सम्ममिच्छादिट्ठिपज्जत्तगसंखिज्जवासाउअ०?, गोअमा ! सम्महिट्ठिपज्जत्तगसंखिज्जवासाउअ० नो मिच्छादिट्ठिपज्जत्तगसंखिज्जवासाउअ० नो सम्ममिच्छादिट्ठि०, जइ सम्महिट्ठिपज्जत्तगसंखिज्ज० किं संजयसम्महिट्ठिपज्जत्तग० असंजयसम्महिट्ठि० संजयासंजयसम्महिट्ठि०?, गोअमा ! संजयसम्महिट्ठि० नो असंजयसम्महिट्ठि० नो संजयासंजयसम्महिट्ठि०, जइ संजयसम्महिट्ठिपज्जत्तगसंखिज्जवासाउय० किं पमत्तसंजयसम्महिट्ठि० अपमत्तसंजयसम्महिट्ठिपज्जत्तग०?, गोअमा ! अपमत्तसंजय० नो पमत्तसंजय०, जइ अपमत्तसंजयसम्महिट्ठि० किं इड्ढीपत्तअपमत्तसंजय० अणिड्ढीपत्तअपमत्तसंजय०?, गोअमा ! इड्ढीपत्तअपमत्तसंजय० नो अणिड्ढीपत्तअपमत्तसंजयसम्महिट्ठिपज्जत्तगसंखेज्जवासाउअकम्मभूमिअगग्भवकंतिअमणुस्साणं मणपज्जवनाणं समुप्पज्जइ । १७ । तं च दुविहं पं० तं० उज्जुमई य विउलमई य, तं समासओ चउव्विहं पन्नत्तं, तंजहा-दव्वओ खित्तओ कालओ भावओ, तत्थ दव्वओ णं उज्जुमई णं अणंते अणंतपएसिए खंधे जाणइ पासइ, ते चेव विउलमई अब्भहियतराए विउलतराए विसुद्धतराए वितिमिरतराए जाणइ पासइ, खित्तओ णं उज्जुमई जहन्नेणं अंगुलस्स असंखेज्जयभागं उक्कोसेणं अहे जाव इमीसे रयणप्पभाए पुढवीए उवरिमहेट्ठिल्ले खुड्ढागपयरे उड्ढं जाव जोइसस्स उवरिमतले तिरियं जाव अंतोमणुस्सखित्ते अड्ढाइज्जेसु दीवसमुद्देसु पन्नरससु कम्मभूमिसु तीसाए अकम्मभूमिसु छप्पन्नाए अंतरदीवगेषु सन्नपंचेदिआणं पज्जत्तयाणं मणोगए भावे जाणइ पासइ, तं चेव विउलमई अड्ढाइज्जेहिमंगुलेहिं अब्भहिअतरं विउलतरं विसुद्धतरं वितिमिरतरागं खित्तं जाणइ पासइ, कालओ णं उज्जुमई जहन्नेणं पलिओवमस्स असंखिज्जइभागं उक्कोसेणवि पलिओवमस्स असंखिज्जइभागं अतीयमणागयं वा कालं जाणइ पासइ, तं चेव विउलमई अब्भहियतरागं विसुद्धतरागं वितिमिरतरागं जाणइ पासइ, भावओ णं उज्जुमई अणंते भावे जाणइ पासइ सब्बभावाणं अणंतभागं जाणइ पासइ, तं चेव विउलमई अब्भहियतरागं विउलतरागं विसुद्धतरागं वितिमिरतरागं जाणइ पासइ 'मणपज्जवनाणं पुण जणमणपरिचित्तिअत्थपागडणं । माणुसखित्तनिबद्धं गुणपच्चइअं चरित्तवओ ॥५८॥ सेत्तं मणपज्जवनाणं । १८ । से किं तं केवलनाणं ?, २ दुविहं पन्नत्तं, तंजहा-भवत्थकेवलनाणं (३२५)

च सिद्धकेवलनाणं च । से किं तं भवत्थकेवलनाणं ? २ दुविहं पणत्तं, तंजहा-सजोगि० च अयोगिभवत्थकेवलनाणं च, से किं तं सजोगिभवत्थकेवलनाणं ? २ दुविहं पणत्तं तंजहा-पढमसमय० च अपढ-
मसमयसजोगिभवत्थकेवलनाणं च, अहवा चरमसमय० च अचरमसमयसजोगिभवत्थकेवलनाणं च, से तं सजोगिभवत्थकेवलनाणं, से किं तं अयोगिभवत्थकेवलनाणं ? २ दुविहं पणत्तं, तंजहा-पढम-
समय० च अपढमसमयअजोगि० च अहवा चरमसमयअजोगि० च अचरमसमयअजोगिभवत्थकेवलनाणं च, से तं अजोगिभवत्थकेवलनाणं । १९ । से किं तं सिद्धकेवलनाणं ? २ दुविहं पणत्तं, तंजहा-
अणंतर० च परंपरसिद्धकेवलनाणं च । २० । से किं तं अणंतरसिद्धकेवलनाणं ? २ पन्नरसविहं पणत्तं, तंजहा-तित्थसिद्ध० अतित्थ० तित्थयर० अतित्थयर० सयंबुद्ध० पत्तेयबुद्ध० बुद्धबोहिय० इत्थिलिंग०
पुरिसलिंग० नपुंसग० सलिंग० अन्नलिंग० गिहिलिंग० एग० अणेगसिद्धाणंतरसिद्धकेवलनाणं च, सेत्तं अणंतरसिद्धकेवलनाणं । २१ । से किं तं परंपरसिद्धकेवलनाणं ? २ अणेगविहं पणत्तं, तंजहा-अपढमसमय-
सिद्ध० दुसमय० तिसमय० चउसमय० जाव दससमय० संखिज्जसमयसिद्ध० असंखिज्जसमय० अणंतसमयसिद्ध०, से तं परंपरसिद्धकेवलनाणं, से तं सिद्धकेवलनाणं, । २२ । तं समासओ चउविहं पणत्तं, तंजहा-
दव्वओ खित्तओ कालओ भावओ, तत्थ दव्वओ णं केवलनाणी सव्वदव्वाइं जाणइ पासइ, खित्तओ णं केवलनाणी सव्वं खित्तं जाणइ पासइ, कालओ णं केवलनाणी सव्वं कालं जाणइ पासइ, भावओ णं
केवलनाणी सव्वे भावे जाणइ पासइ । 'अह सव्वदव्वपरिणामभावविण्णत्तिकारणमणंतं । सासयमप्पडिवाइ एगविहं केवलं नाणं ॥ ५९ ॥ केवलनाणेणऽत्थे नाउं जे तत्थ पण्णवणजोगे । ते भासइ तित्थयरो
वइजोग सुअं हवइ सेसं ॥ ६० ॥ से तं केवलनाणं, से तं पच्चक्खनाणं । २३ । से किं तं परूक्खनाणं ? २ दुविहं पणत्तं, तंजहा-आभिणिबोहिअ० च सुअनाणपरोक्खं च, जत्थ आभिणिबोहियनाणं तत्थ
सुयनाणं जत्थ सुअनाणं तत्थाभिणिबोहियनाणं, दोऽवि एयाइं अण्णमण्णमणुगयाइं तहवि पुण इत्थ आयरिआ नाणत्तं पण्णवैति-अभिनिबुज्झइत्ति आभिणिबोहिअं सुणेइत्ति सुअं, मइपुव्वं जेण सुअं न मई
सुअपुव्विआ । २४ । अविसेसिआ मई मइनाणं च मइअन्नाणं च, विसेसिआ मई सम्मदिट्ठिस्स मई मइनाणं मिच्छादिट्ठिस्स मई मइअन्नाणं, अविसेसिअं सुयं सुयनाणं च सुयअन्नाणं च, विसेसिअं सुयं सम्म-
दिट्ठिस्स सुयं सुअनाणं मिच्छादिट्ठिस्स सुअं सुयअन्नाणं । २५ । से किं तं आभिणिबोहिअनाणं ? २ दुविहं पणत्तं, तंजहा-सुयनिस्सियं च असुयनिस्सियं च, से किं तं असुअनिस्सियं ? २ चउविहं
पणत्तं, तंजहा-उप्पत्तिआ वेणइआ, कम्मया परिणामिआ । बुद्धी चउव्विहा वुत्ता, पंचमा नोवलब्भइ ॥ ६१ ॥ । २६ । पुव्वं अदिट्ठमस्सुअमवेइयतक्खणविसुद्धगहिअत्था । अद्वाहयफलजोगा बुद्धी उप्पत्तिआ
नाम ॥ २ ॥ भरहसिल पणिय रुक्खे खुड्डग पड सरड काय उच्चारे । गय घयण ? ० गोल खंभे खुड्डग मग्गित्थि पइ पुत्ते १६ ॥ ३ ॥ भरह सिल मिंढ कुक्कुड तिल वालुअ हत्थी अगड वणसंडे । पायस अइआ
पत्ते खाडहिला पंच पिअरो अ ॥ ४ ॥ महुसित्थ मुद्दि अंके नाणए २० भिक्खु चेडगनिहाणे । सिक्खा य अत्थसत्थे इच्छा य महं सयसहस्से २६ ॥ ५ ॥ भरनित्थरणसमत्था तिवग्गसुत्तत्थगहिअपेआला । उभओ-
लोगफलवई विणयसमुत्था हवइ बुद्धी ॥ ६ ॥ निमित्ते अत्थसत्थे अ, लेहे गणिए अ कूव अस्से अ । गइभ लक्खण गंठी, अगए रहिए य गणिया य ॥ ७ ॥ सीया साडी दीहं च तणं, अवसव्वयं च कुंचस्स ।
निव्वोदए य गोणे, घोडगपडणं च रुक्खाओ ॥ ८ ॥ उवओगदिट्ठसारा कम्मपसंगपरिघोलणविसाला । साहुक्कारफलवई कम्मसमुत्था हवइ बुद्धी ॥ ९ ॥ हेरणिए करिसए कोलिय डोवे य मुत्ति घय पवए । तुन्नाए
वड्डइय पूयइ घड चित्तकारे य ॥ १० ॥ अणुमाणहेउदिट्ठंतसाहिया वयविवागपरिणामा । हियनिस्सेअसफलवई बुद्धी परिणामिया नाम ॥ १ ॥ अभए सिट्ठि कुमारे देवी उदिओदए हवइ राया । साहू य
नंदिसेणे धणदत्ते सावग अमच्चे ॥ २ ॥ खमए अमच्चपुत्ते चाणके चेव थूलभदे य । नासिकसुंदरिनंदे वइरे परिणामबुद्धीए ॥ ३ ॥ चलणाहण आमंडे मणी य सप्ये य खग्गि थूभिंदे । परिणामियबुद्धीए एवमाई
उदाहरणा ॥ ७४ ॥ से तं असुयनिस्सियं, से किं तं सुयनिस्सियं ? २ चउविहं पणत्तं, तंजहा-उग्गह ईहा अवाओ धारणा । २७ । से किं तं उग्गहे ? २ दुविहे पणत्ते, तंजहा-अत्थुग्गहे य वंजणुग्गहे य ॥ २८ ॥
से किं तं वंजणुग्गहे ? २ चउविहे पणत्ते, तंजहा-सोइंदिअवंजणुग्गहे घाणिदि० जिब्भिय० फासिंदिअवंजणुग्गहे, से तं वंजणुग्गहे । २९ । से किं अत्थुग्गहे ? २ छविहे पणत्ते, तंजहा-सोइंदिअअत्थुग्गहे
चक्खिंदिअ० घाणिदिअ० जिब्भिय० फासिंदिअ० नोइंदिअअत्थुग्गहे । ३० । तस्स णं इमे एगट्ठिआ नाणाघोसा नानावंजणा पंच नामधिजा भवंति, तंजहा-ओगेण्हणया उवधारणया सवणया अवलं-
बणया मेहा । सेत्तं उग्गहे । ३१ । से किं तं ईहा ? २ छविहा पणत्ता, तंजहा-सोइंदिय० चक्खिंदिय० घाणिदिय० जिब्भिय० फासिंदिय० णोइंदियईहा, तीसे णं इमे एगट्ठिया नाणाघोसा नाणावंजणा पंच नाम-
धिजा भवंति, तंजहा-आभोगणया मग्गणया गवेसणया चिंता वीमंसा, सेत्तं ईहा । ३२ । से किं तं अवाए ? २ छविहे पणत्ते, तंजहा-सोइंदिय० चक्खिंदिय० घाणिदिय० जिब्भिय० फासिंदिय०
नोइंदियअवाए, तस्स णं इमे एगट्ठिया० तंजहा-आउट्टणया पच्चाउट्टणया अवाए बुद्धी विण्णाणे, से तं अवाए । ३३ । से किं तं धारणा ? २ छविहा पणत्ता, तंजहा-सोइंदिअ० चक्खिंदिअ० घाणिदि०
जिब्भिय० फासिंदिअ० नोइंदिअधारणा, तीसे णं इमे एगट्ठिआ० तंजहा-धारणा साधारणा ठवणा पइट्टा कोट्टे, से तं धारणा । ३४ । उग्गहे इक्कसमइए, अंतोमुहुत्तिआ ईहा, अंतोमुहुत्तिए अवाए, धारणा
संखेज्जं वा कालं असंखेज्जं वा कालं । ३५ । एवं अट्टावीसइविहस्स आभिणिबोहिअनाणस्स वंजणुग्गहस्स परूवणं करिस्साभि पडिबोहगदिट्ठंतेण मल्लगदिट्ठंतेण य, से किं तं पडिबोहगदिट्ठंतेण ? २ से ज-

हानामए केइ पुरिसे कंचि पुरिसं सुत्तं पडिबोहिजा अमुगा अमुगत्ति, तत्थ चोअगे पन्नवगं एवं वयासी-किं एगसमयपविट्ठा० दुसमयपविट्ठा० जाव दससमयपविट्ठा० संखिजसमयपविट्ठा० असंखिजस-
मयपविट्ठा पुग्गला गहणमागच्छंति?, एवं वदंतं चोअगं पणवए एवं वयासी-नो एगसमयपविट्ठा० नो दुसमयपविट्ठा० जाव नो दससमयपविट्ठा० नो संखिजसमयपविट्ठा० असंखिजसमयपविट्ठा पुग्गला
गहणमागच्छंति, से तं पडिबोहगदिट्ठंतेणं। से किं तं मल्लगदिट्ठंतेणं?, २ से जहानामए केइ पुरिसे आवागसीसाओ मल्लगं गहाय तत्थेगं उदगबिंदुं पक्खिक्खिजा, से नट्टे, अण्णेऽवि पक्खित्ते सेऽवि नट्टे, एवं
पक्खिक्खिमाणेसु २ होही से उदगबिंदू जेणं तंसि मल्लगंसि ठाहिति होही से उदगबिंदू जेणं तं मल्लगं भरिहिति होही से उदगबिंदू जेणं तं मल्लगं पवाहेहिति एवामेव पक्खिक्खिमाणेहिं २ अणंतेहिं पुग्गलेहिं जाहे
तं वंजणं पुरिअं होइ ताहे हुंति करेइ, नो चेव णं जाणइ केवि एस सदा(दे)इ?, तओ ईहं पविसइ तओ जाणइ अमुगे एस सदा(दे)इ, तओ अवायं पविसइ, तओ से उवगयं (उवओगे)हवइ, तओ णं धारणं
पविसइ, तओ णं धारेइ संखिजं वा कालं असंखिजं वा कालं, से जहानामए केइ पुरिसे अब्बत्तं सइं सुणिजा तेणं सइोत्ति उग्गहिए, नो चेव णं जाणइ के वेस सदाइ?, तओ ईहं पविसइ, तओ जाणइ-अमुगे
एस सदे० असंखेजं वा कालं, से जहानामए केइ पुरिसे अब्बत्तं रूवं पासिजा० अब्बत्तं गंधं अग्घाइजा तेणं गंधत्ति उग्गहिए० अब्बत्तं रसं आसाइजा तेणं रसोत्ति उग्गहिए० अब्बत्तं फासं पडिसंवेइजा तेणं
फासेत्ति उग्गहिए० एस फासे तओ० असंखेजं वा कालं, से जहानामए केइ पुरिसे अब्बत्तं सुमिणं पासिजा तेणं सुमिणोत्ति उग्गहिए नो चेव णं जाणइ के वेस सुमिणेत्ति तओ ईहं पविसइ तओ जाणइ
अमुगे एस सुमिणे तओ० असंखेजं वा कालं। सेत्तं मल्लगदिट्ठंतेणं। ६। तं समासओ चउच्चिहं पणत्तं, तंजहा-दब्बओ खित्तओ कालओ भावओ, तत्थ दब्बओ णं आभिणिबोहियनाणी आएसेणं सद्वाइं दद्वाइं
जाणइ न पासइ, खेत्तओ णं आभिणिबोहियनाणी आएसेणं सद्वां खेत्तं जाणइ न पासइ, कालओ णं आभिणिबोहियनाणी आएसेणं सद्वाकालं जाणइ न पासइ, भावओ णं आभिणिबोहियनाणी आएसेणं
सद्वा भावे जाणइ न पासइ ' उग्गह ईहाऽवाओ य धारणा एव हुंति चत्तारि। आभिणिबोहियनाणस्स भेयवत्थू समासेणं ॥ ५ ॥ अत्थाणं उग्गहणंमि उग्गहो तह वियालणे ईहा। ववसायंमि अवाओ धरणं
पुण धारणं बिंति ॥ ६ ॥ उग्गह इक्कं समयं ईहाऽवाया मुहुत्तमद्धं तु। कालमसंखं संखं च धारणा होइ नायवा ॥ ७ ॥ पुट्टं सुणेइ सइं रूवं पुण पासइ अपुट्टं तु। गंधं रसं च फासं च बद्धपुट्टं वियागरे ॥ ८ ॥
भासासमसेठीओ सइं जं सुणइ मीसयं सुणइ। वीसेठी पुण सइं सुणेइ नियमा पराघाए ॥ ९ ॥ ईहा अपोह वीमंसा, मग्गणा य गवेसणा। सत्ता सई मई पन्ना, सद्वां आभिणिबोहियं। ८०। से तं आभिणिबोहि-
यनाणपरोक्खं। ३७। से किं तं सुयनाणपरोक्खं?, २ चोइसविहं पन्नत्तं, तंजहा-अक्खर० अणक्खर० सण्णि० असण्णि० सम्म० मिच्छ० साइअं अणाइअं सपज्जवसिअं अपज्जवसिअं गमिअं अगमिअं अंगप-
विट्ठं अणंगपविट्ठं। ३८। से किं तं अक्खरसुअं?, २ तिविहं पन्नत्तं, तंजहा-सन्नक्खरं वंजणक्खरं लद्धिअक्खरं, से किं तं सन्नक्खरं?, २ अक्खरस्स संठाणागिई, सेत्तं सन्नक्खरं, से किं तं वंजणक्खरं?, २ अक्खरस्स
वंजणाभिलावो, से तं वंजणक्खरं, से किं लद्धिअक्खरं?, २ अक्खरलद्धियस्स लद्धिअक्खरं समुप्पज्जइ, तंजहा-सोइंदिअ० चक्खिदिय० घाणिदिय० रसणिदिय० फासिदिय० नोइंदियलद्धिअक्खरं, से तं लद्धि-
अक्खरं, से तं अक्खरसुअं, से किं तं अणक्खरसुअं?, २ अणेगविहं पणत्तं, तंजहा-'ऊससिअं नीससिअं निच्छूढं खासिअं च छीअं च। निस्सिधिअमणुसारं अणक्खरं छेलिआइअं ॥ ८१ ॥ से तं अणक्खरसुअं
। ३९। से किं तं सण्णिसुअं?, २ तिविहं पणत्तं, तंजहा-कालिओवएसेणं हेऊवएसेणं दिट्ठिवाओवएसेणं, से किं तं कालिओवएसेणं?, २ जस्सऽत्थि ईहा अवोहो मग्गणा गवेसणा चिंता वीमंसा से णं सण्णीति
लब्भइ, जस्स नत्थि ईहा अवोहो मग्गणा गवेसणा चिंता वीमंसा से णं असन्नीति लब्भइ, से तं कालिओवएसेणं, से किं तं हेऊवएसेणं?, २ जस्सऽत्थि अभिसंधारणपुट्ठिआ करणसत्ती से णं सण्णीति लब्भइ,
जस्स णं नत्थि अभिसंधारणपुट्ठिआ करणसत्ती से णं असण्णीति लब्भइ, से तं हेऊवएसेणं, से किं तं दिट्ठिवाओवएसेणं?, २ सण्णिसुअस्स खओवसमेणं सण्णी लब्भइ, असण्णिसुअस्स खओवसमेणं असण्णी
लब्भइ, से तं दिट्ठिवाओवएसेणं, से तं सण्णिसुअं, से तं असण्णिसुअं। ४०। से किं तं सम्मसुयं?, २ जं इमं अरहंतेहिं भगवंतेहिं उप्पण्णनाणदंसणधरेहिं तेलुक्कनिरिक्खियमहिअपूइएहिं तीयपडु(चु)प्पणमणा-
गयजाणएहिं सद्वाण्णहिं सद्वादरिसीहिं पणीयं दुवालसंगं गणिपिडगं तंजहा-आयारो सूयगडो ठाणं समवाओ विवाहपणत्ती नायाधम्मकहाओ उवासगदसाओ अंतगडदसाओ अणुत्तरोववाइयदसाओ पण्हावा-
गरणाइं विवागसुयं दिट्ठिवाओ, इच्चेयं दुवालसंगं गणिपिडगं चोइसपुट्ठिस्स सम्मसुयं अभिण्णदसपुट्ठिस्स सम्मसुयं, तेण परं भिण्णेसु भयणा, से तं सम्मसुयं। ४१। से किं तं मिच्छासुयं?, २ जं इमं अण्णा-
णिएहिं मिच्छादिट्ठिएहिं सच्छंदबुद्धिमइविगप्पियं, तंजहा-भारहं रामायणं भीमासुरूक्खं कोडिल्लयं सगडभदिआओ खोंड(घोडग)मुहं कप्पासियं नागसुहुमं कणगसत्तरी वइसेसियं बुद्धवयणं तेरासियं कावि-
लियं लोगाययं सट्ठितंतं माढरं पुराणं वागरणं भागवं पायंजली पुस्सदेवयं लेहं गणियं सउणरुयं नाडयाइं, अहवा बावत्तरिकलाओ चत्तारि य वेया संगोवंगा, एयाइं मिच्छदिट्ठिस्स मिच्छत्तपरिग्गहियाइं
मिच्छासुयं, एयाइं चेव सम्मदिट्ठिस्स सम्मत्तपरिग्गहियाइं सम्मसुयं, अहवा मिच्छदिट्ठिस्सवि एयाइं चेव सम्मसुयं, कम्हा?, सम्मत्तहेउत्तणओ, जम्हा ते मिच्छदिट्ठिया तेहिं चेव समएहिं चोइया समाणा
केइ सपक्खदिट्ठीओ चयं(वमें)ति, से तं मिच्छासुयं। ४२। से किं तं साइअं सपज्जवसिअं अणाइअं अपज्जवसिअं च?, इच्चेइयं दुवालसंगं गणिपिडगं वुच्छित्तिनयट्ठयाए साइयं सपज्जवसियं अब्बुच्छित्ति-

अणाइयं अपज्जवसिअं, तं समासओ चउव्विहं पण्णत्तं, तंजहा-द्वओ खित्तओ कालओ भावओ, तत्थ द्वओ णं सम्मसुअं एगं पुरिसं पडुच्च साइअं सपज्जवसिअं, बहवे पुरिसे पडुच्च अणाइयं अपज्जवसिअं, खेत्तओ णं पंच भरहाइं पंचेरवयाइं पडुच्च साइअं सपज्जवसिअं पंच महाविदेहाइं पडुच्च अणाइयं अपज्जवसिअं, कालओ णं उस्सप्पिणिओसप्पिणिं पडुच्च साइअं सपज्जवसिअं नोउस्सप्पिणीओसप्पिणिं पडुच्च अणाइयं अपज्जवसिअं, भावओ णं जे जया जिणपन्नत्ता भावा आघविज्जंति पण्णविज्जंति परूविज्जंति दंसिज्जंति निदंसिज्जंति उवदंसिज्जंति तथा ते भावे षडुच्च साइअं सपज्जवसिअं, स्वाओवसमिअं पुण भावं पडुच्च अणाइयं अपज्जवसियं, अहवा भवसिद्धियस्स सुयं साइयं सपज्जवसियं अभवसिद्धियस्स सुयं अणाइयं अपज्जवसियं, सव्वागासपएसग्गं सव्वागासपएसेहिं अणंतगुणियं पज्जवक्खरं निप्फज्जइ, सव्व जीवा-णंपिय णं अक्खरस्स अणंतभागो निच्चुग्घाडिओ, जइ पुण सोऽवि आवरिजा तेणं जीवो अजीवत्तं पाविज्जा, - 'सुट्ठुवि मेहसमुदए, होइ पभा चंदसूराणं', से तं साइयं सपज्जवसियं, सेत्तं अणाइयं अपज्जवसियं । ४३। से किं तं गमिअं?, दिट्ठिवाओ, (से किं तं) अगमिअं?, कालिअं सुअं, सेत्तं गमिअं, सेत्तं अगमिअं, अहवा तं समासओ दुविहं पण्णत्तं, तंजहा-अंगपविट्ठं अंगवाहिरं (अणंगपविट्ठं) च, से किं तं अंगवाहिरं (अणंगपविट्ठं)?, २ दुविहं पं० तं०-आवस्सयं च आवस्सयवइरित्तं च, से किं तं आवस्सयं?, २ छव्विहं पण्णत्तं, तंजहा-सामाइयं चउवीसत्थओ वंदणयं पडिक्कमणं काउस्सग्गो पच्चक्खाणं, सेत्तं आवस्सयं, से किं तं आवस्सयवइरित्तं?, २ दुविहं पण्णत्तं, तंजहा-कालियं च उक्कालियं च, से किं तं उक्कालियं?, २ अणेगविहं पण्णत्तं, तंजहा-दसवेयालियं कप्पियाकप्पियं चुट्टकप्पसुयं महाकप्पसुयं उववाइयं रायपसेणियं जीवाभिगमो पण्णवणा महापण्णवणा पमायप्पमायं नंदी अणुओगदाराइं देविंदत्थओ तंदुलवेयालियं चंदाविज्जयं सूरपण्णत्ती (चंदपण्णत्ती) पोरिसिमंडलं मंडलपवेसो विज्जाचरणविणिच्छओ गणिविज्जा झाणवि-भत्ती मरणविभत्ती आयविसाही मरणविसोही वीयरागसुयं संलेहणासुयं विहारकप्पो चरणविही आउरपच्चक्खाणं महापच्चक्खाणं एवमाइ, से तं उक्कालियं, से किं तं कालियं (अणंगपविट्ठं)?, २ अणेगविहं पण्णत्तं, तंजहा-उत्तरज्झयणाइं दसाओ कप्पो ववहारो निसीहं महानिसीहं इसिभासिआइं जंबूदीवपन्नत्ती दीवसागरपन्नत्ती खुडिडआविमाणपविभत्ती महत्तिआविमाणपविभत्ती अंगचूलिआ वग्गचूलिया विवाहचूलिया अरुणोववाए वरुणोववाए गरुलोववाए धरणोववाए वेसमणोववाए वेलंधरोववाए देविंदोववाए उट्टाणसुए समुट्टाणसुए नागपरिआवणियाओ निरयावलियाओ कप्पियाओ कप्पवडिंसियाओ पुप्फचूलियाओ वण्हीदसाओ, एवमाइयाइं चउरासीई पइन्नगसहस्साइं भगवओ अरहओ उसहसामिस्स आइतित्थयरस्स तथा संखिज्जाइं पइन्नगसहस्साइं मज्झिमगाणं जिणवराणं चोदस पइन्नगसहस्साणि भगवओ वद्धमाणसामिस्स, अहवा जस्स जत्तिया सीसा उप्पत्तियाए वेणइयाए कम्मयाए पारिणामियाए चउव्विहाए बुद्धीए उववेया तस्स तत्तियाइं पइण्णगसहस्साइं, पत्तेयबुद्धावि तत्तिया चैव, सेतं कालियं, सेत्तं आवस्सयवइरित्तं, से तं अणंगपविट्ठं । ४४। से किं तं अंगपविट्ठं?, २ दुवालसविहं पण्णत्तं, तंजहा-आयारो सूयगडो ठाणं समवाओ विवाहपन्नत्ती नायाधम्मकहाओ उवासगदसाओ अंतगडदसाओ अणुत्तरोववाइअदसाओ पण्हावागरणाइं विवागसुअं दिट्ठिवाओ । ४५। से किं तं आयारे?, २ णं समणाणं निग्गंथाणं आयारगोअरविणयवेणइयसिक्खाभासाचरणकरणजायामायावित्तीओ आघविज्जंति०, से समासओ पंचविहे पण्णत्ते, तंजहा-नाणायारे दंसणायारे चरित्तायारे तवायारे वीरियाआरे, आयारे णं परित्ता वायणा संखेज्जा अणुओगदारा संखिज्जा वेढा संखेज्जा सिलोगा संखिज्जाओ निज्जुत्तीओ संखि-ज्जाओ पडिवत्तीओ, से णं अंगट्टयाए पढमे अंगे दो सुअक्खंधा पणुवीसं अज्झयणा पंचासीई उद्देसणकाला पंचासीई समुद्देसणकाला अट्टारस पयसहस्साणि पयग्गेणं, संखिज्जा अक्खरा अणंता गमा अणंता पज्जवा परित्ता तसा अणंता थावरा सासयकडनिबद्धनिकाइआ जिणपण्णत्ता भावा आघविज्जंति०, से एवं आया से एवं नाया एवं विण्णाया एवं चरणकरणपरूवणा आघविज्जइ०, से तं आयारे । ४६। से किं तं सूयगडे?, २ णं लोए सूइज्जइ अलोए सूइज्जइ लोयालोए सूइज्जइ जीवा सूइज्जन्ति अजीवा सूइज्जन्ति जीवाजीवा सूइज्जन्ति ससमए सूइज्जइ परसमए सूइज्जइ ससमयपरसमए सूइज्जइ, सूयगडे णं असीयस्स किरियावाइसयस्स चउरासीईए अकिरियावाइणं सत्तट्ठीए अण्णाणियवाइणं बत्तीसाए वेणइअवाइणं तिण्हं तेसट्टाणं पासंडिअ(वाउय)सयाणं वूहं किच्चा ससमए ठाविज्जइ, सूयगडे णं परित्ता वायणा संखिज्जा अणुओगदारा संखेज्जा वेढा संखेज्जा सिलोगा संखिज्जाओ निज्जुत्तीओ संखिज्जाओ पडिवत्तीओ, से णं अंगट्टयाए बिइए अंगे दो सुयक्खंधा तेवीसं अज्झयणा तिच्चीसं उद्दे-सणकाला तिच्चीसं समुद्देसणकाला छत्तीसं पयसहस्साणि पयग्गेणं संखिज्जा अक्खरा अणंता गमा अणंता पज्जवा परित्ता तसा अणंता थावरा सासयकडनिबद्धनिकाइया जिणपण्णत्ता भावा आघविज्जंति० से एवं आया से एवं नाया से एवं विण्णाया एवं चरणकरणपरूवणा आघविज्जइ०, सेत्तं सूयगडे । ४७। से किं तं ठाणे?, २ णं जीवा ठाविज्जंति अजीवा ठाविज्जंति ससमए ठाविज्जइ परसमए ठाविज्जइ ससमयपरसमए ठाविज्जइ लोए ठाविज्जइ अलोए ठाविज्जइ लोआलोए ठाविज्जइ, ठाणे णं टंका कूडा सेला सिहरिणो पन्भारा कुंडाइं गुहाओ आगरा दहा नईओ आघविज्जंति०, ठाणे णं एगाइयाए एगुत्त-रियाए दसठाणगविट्ठियाणं भावाणं परूवणा आघविज्जंति०, ठाणे णं परित्ता वायणा संखेज्जा० संखेज्जाओ पडिवत्तीओ, से तं अंगट्टयाए तइए अंगे एगे सुयक्खंधे दस अज्झयणा एगवीसं उद्देसणकाला एक्कवीसं समुद्देसणकाला बावत्तरिं पयसहस्सा पयग्गेणं संखेज्जा अक्खरा०, से एवं आया० आघविज्जइ०, से तं ठाणे । ४८। से किं तं समवाए?, २ णं जीवा समासिज्जंति अजीवा समासिज्जंति जीवाजीवा

समासिज्जंति ससमए समासिज्जइ परसमए समासिज्जइ ससमयपरसमए समासिज्जइ लोए समासिज्जइ अलोए समासिज्जइ लोआलोए समासिज्जइ, समवाए णं एगाइयाणं एगुत्तरियाणं ठाणगसयविविद्धि-
याणं भावाणं परूवणा आघविज्जइ० दुवालसविहस्स य गणिपिडगस्स पल्लव(णवण)मग्गे समासिज्जइ, समवायस्स णं परित्ता वायणा संखिज्जा० संखिज्जाओ पडिवत्तीओ, से णं अंगट्टयाए चउत्थे अंगे एगे
सुयक्खंधे एगे अज्झयणे एगे उद्देसणकाले एगे समुद्देसणकाले एगे चोआले सयसहस्से पयग्गेणं संखेज्जा अक्खरा अणंता गमा० निदंसिज्जंति, से एवं आया० आघविज्जइ०, से तं समवाए । ४९ । से किं तं
विवाहे ?, २ णं जीवा वियाहिज्जंति अजीवा वियाहिज्जंति जीवाजीवा वियाहिज्जंति ससमए वियाहिज्जति परसमए वियाहिज्जति ससमयपरसमए वियाहिज्जति लोए वियाहिज्जति अलोए वियाहिज्जति लो-
यालोए वियाहिज्जति, विवाहस्स णं परित्ता वायणा संखिज्जा० संखिज्जाओ पडिवत्तीओ, से णं अंगट्टयाए पंचमे अंगे एगे सुयक्खंधे एगे साइरेगे अज्झयणसए दस उद्देसणसहस्साइं दस समुद्देसणसहस्साइं
छत्तीसं पसिणवागरणसहस्साइं दो लक्खा अट्टासीई पयसहस्साइं पयग्गेणं संखिज्जा अक्खरा अणंता० उवदंसिज्जंति, से एवं आया० चरणकरणपरूवणा आघविज्जइ०, से तं विवाहे । ५० । से किं तं नाया-
धम्मकहाओ ?, नायाधम्मकहासु णं नायाणं नगराइं उज्जाणाइं चेइयाइं समोसरणाइं वणसंडाइं रायाणो अम्मापियरो धम्मकहाओ धम्मायरिया इहलोइयपारलोइया इड्ढिविसेसा भोगपरिच्चाया पब्वज्जाओ
परिआया सुयपरिग्गहा तवोवहाणाइं संलेहणाओ भत्तपच्चक्खाणाइं पाओवगमणाइं देवलोगगमणाइं सुकुलपच्चायाईओ पुणबोहिलाभा अंतकिरियाओ य आघविज्जंति०, दस धम्मकहाणं वग्गा, तत्थ णं
एगमेगाए य धम्मकहाए पंच पंच अक्खाइयासयाइं एगमेगाए अक्खाइआए पंच पंच उवक्खाइयासयाइं एगमेगाए उवक्खाइयाए पंच पंच अक्खाइयाउवक्खाइयासयाइं, एवमेव सपुद्दावरेणं अद्धुट्टाओ
कहाणगकोडीओ हवंतित्ति समक्खायं, नायाधम्मकहाणं परित्ता वायणा० संखेज्जाओ पडिवत्तीओ, से णं अंगट्टयाए छट्ठे अंगे दो सुअक्खंधा एगुणवीसं अज्झयणा एगुणवीसं उद्देसणकाला एगुणवीसं समु-
द्देसणकाला संखेज्जाइं पयसहस्साइं पयग्गेणं, संखेज्जा० उवदंसिज्जंति, से एवं०, से तं नायाधम्मकहाओ । ५१ । से किं तं उवासगदसाओ ?, उवासगदसासु णं समणोवासयाणं नगराइं उज्जाणाइं चेइयाइं वण-
संडाइं समोसरणाइं रायाणो अम्मापियरो धम्मायरिया धम्मकहाओ इहलोइअपारलोइया इड्ढिविसेसा भोगपरिच्चाया (पब्वज्जाओ परिआगा) सुयपरिग्गहा तवोवहाणाइं सीलव्यगुणवेरमणपच्चक्खाणपोसहो-
ववासपडिवज्जणया पडिमाओ उवसग्गा संलेहणाओ भत्तपच्चक्खाणाइं० अंतकिरियाओ य आघविज्जंति०, उवासगदसाणं परित्ता वायणा० संखेज्जाओ पडिवत्तीओ, से णं अंगट्टयाए सत्तमे अंगे एगे सुयक्खंधे
दस अज्झयणा दस उद्देसणकाला दस समुद्देसणकाला संखेज्जाइं पयसहस्साइं पयग्गेणं संखेज्जा अक्खरा अणंता० दंसिज्जंति०, से एवं आया० आघविज्जइ०, से तं उवासगदसाओ । ५२ । से किं तं
अंतगडदसाओ ?, अंतगडदसासु णं अंतगडाणं नगराइं उज्जाणाइं० पाओवगमणाइं अंतकिरियाओ आघविज्जंति०, अंतगडदसासु णं परित्ता वायणा संखिज्जा० संखेज्जाओ पडिवत्तीओ, से णं अंगट्टयाए
अट्टमे अंगे एगे सुयक्खंधे अट्ट वग्गा अट्ट उद्देसणकाला अट्ट समुद्देसणकाला संखेज्जा पयसहस्सा पयग्गेणं संखेज्जा अक्खरा अणंता० उवदंसिज्जंति, से एवं आया० आघविज्जइ०, से तं अंतगडदसाओ
। ५३ । से किं तं अणुत्तरोववाइअदसाओ ?, अणुत्तरोववाइअदसासु णं अणुत्तरोववाइयाणं नगराइं उज्जाणाइं० पाओवगमणाइं अणुत्तरोववाइयत्ते उववत्ती सुकुलपच्चायाईओ पुणबोहिलाभा अंतकिरियाओ
आघविज्जंति०, अणुत्तरोववाइयदसासु णं परित्ता वायणा संखेज्जा० पडिवत्तीओ, से णं अंगट्टयाए नवमे अंगे एगे सुयक्खंधे तिन्नि वग्गा तिन्नि उद्देसणकाला तिन्नि समुद्देसणकाला संखेज्जाइं पयसहस्साइं
पयग्गेणं संखेज्जा अक्खरा अणंता० उवदंसिज्जंति, से एवं आया० आघविज्जइ०, से तं अणुत्तरोववाइयदसाओ । ५४ । से किं तं पण्हावागरणाइं ?, पण्हावागरणेसु णं अट्टुत्तरं पसिणसयं अट्टुत्तरं अप-
सिणसयं अट्टुत्तरं पसिणापसिणसयं तंजहा-अंगुट्टपसिणाइं बाहुपसिणाइं अद्दागपसिणाइं अन्नेवि विचित्ता विज्जाइसया नागसुवण्णेहिं सद्धिं दिव्वं संवाया आघविज्जंति०, पण्हावागरणाणं परित्ता वायणा० संखेज्जा
पडिवत्तीओ, से णं अंगट्टयाए दसमे अंगे एगे सुयक्खंधे पणयालीसं अज्झयणा पणयालीसं उद्देसणकाला पणयालीसं समुद्देसणकाला संखेज्जाइं पयसहस्साइं पयग्गेणं संखेज्जा अक्खरा अणंता० से एवं आया० सेत्तं
पण्हावागरणाइं । ५५ । से किं तं विवागसुयं ?, विवागसुए णं सुकडदुक्कडाणं कम्माणं फलविवागे आघविज्जइ०, तत्थ णं दस दुहविवागा दस सुहविवागा, से किं तं दुहविवागा ?, दुहविवागेसु णं दुहविवागाणं नगराइं
उज्जाणाइं वणसंडाइं चेइयाइं समोसरणाइं रायाणो अम्मापियरो धम्मायरिया धम्मकहाओ इहलोइअपारलोइया इड्ढिविसेसा निरयगमणाइं संसारभवपंचा दुहपरंपराओ दुकुलपच्चायाईओ दुलहबोहियत्तं
आघविज्जइ०, से तं दुहविवागा, से किं तं सुहविवागा ?, सुहविवागेसु णं सुहविवागाणं नगराइं उज्जाणाइं० भत्तपच्चक्खाणाइं पाओवगमणाइं देवलोगगमणाइं सुहपरंपराओ सुकुलपच्चायाईओ अंतकि-
रियाओ आघविज्जंति०, विवागसुयस्स णं परित्ता वायणा संखिज्जा० संखिज्जाओ पडिवत्तीओ, से णं अंगट्टयाए इक्कारसमे अंगे दो सुयक्खंधा वीसं अज्झयणा वीसं उद्देसणकाला वीसं समुद्देसणकाला संखि-
ज्जाइं पयसहस्साइं पयग्गेणं संखेज्जा अक्खरा अणंता० उवदंसिज्जंति, से एवं आया० आघविज्जइ०, से तं विवागसुयं । ५६ । से किं तं दिट्ठिवाए ?, २ सब्भभावपरूवणा आघविज्जइ०, से समासओ पंचविहे
पन्नत्ते, तंजहा-परिकम्मे सुत्ताइं पुब्वगए अणुओगे चूलिया, से किं तं परिकम्मे ?, २ सत्तविहे पन्नत्ते, तंजहा-सिद्धसेणिआपरिकम्मे मणुस्ससेणि० पुट्टसेणि० ओगाढसेणि० उवसंपज्जणसेणि० (३२६)

विष्पजहणसेणि० चुआचुयसेणिआपरिकम्मे, से किं तं सिद्धसेणिआपरिकम्मे?, २ चउदसविहे पन्नत्ते, तंजहा-माउगापयाइं एगट्टिय० अट्टा० पाढोआगासपयाइं केउभूयं रासिबद्धं
 एगगुणं दुगुणं तिगुणं केउभूयं पडिग्गहो संसारपडिग्गहो नंदावत्तं सिद्धावत्तं, से तं सिद्धसेणिआपरिकम्मे, से किं तं मणुस्ससेणियापरिकम्मे?, २ चउदसविहे पन्नत्ते, तंजहा-माउयापयाइं
 एगट्टियपयाइं अट्टापयाइं पाढोआगासपयाइं केउभूयं रासिबद्धं एगगुणं दुगुणं तिगुणं केउभूयं पडिग्गहो संसारपडिग्गहो नंदावत्तं, सेत्तं मणुस्ससेणियापरिकम्मे, से किं तं पुट्टसेणियाप-
 रिकम्मे?, २ इक्कारसविहे पन्नत्ते, तंजहा-पाढोआगासपयाइं केउभूयं रासिबद्धं एगगुणं दुगुणं तिगुणं केउभूयं पडिग्गहो संसारपडिग्गहो नंदावत्तं पुट्टावत्तं, सेत्तं पुट्टसेणिआपरिकम्मे, से
 किं तं ओगाढसेणिआपरिकम्मे?, २ इक्कारसविहे पन्नत्ते तंजहा-पाढोआगासपयाइं केउभूयं० नंदावत्तं ओगाढावत्तं, सेत्तं ओगाढसेणियापरिकम्मे, से किं तं उवसंपज्जणसेणिआप-
 रिकम्मे?, २ इक्कारसविहे पन्नत्ते, तंजहा-पाढोआगासपयाइं केउभूयं० नंदावत्तं उवसंपज्जणावत्तं, सेत्तं उवसंपज्जणसेणिआपरिकम्मे, से किं तं विष्पजहणसेणिआपरिकम्मे?, २ एक्कारस-
 विहे पन्नत्ते, तंजहा-पाढोआगासपयाइं० विष्पजहणावत्तं, से तं विष्पजहणसेणिआपरिकम्मे, से किं तं चुयाचुअसेणिआपरिकम्मे?, २ एक्कारसविहे पन्नत्ते, तंजहा-पाढोआगासपयाइं०
 चुयाचुयावत्तं, सेत्तं चुयाचुयसेणियापरिकम्मे, छ चउक्कनइयाइं सत्त तेरासियाइं, सेत्तं परिकम्मे, से किं तं सुत्ताइं?, २ बावीसं पन्नत्ताइं, तंजहा-उज्जुसुयं परिणयापरिणयं बहुभंगियं
 विजयचरियं अणंतरं परंपरं मासा(सामा)णं संजूहं संभिण्णं आहव्वायं १० सोवत्थियावत्तं नंदावत्तं बहुलं पुट्टापुट्टं वियावत्तं एवंभूयं दुयावत्तं वत्तमाणप्पयं समभिरूढं सब्बओभदं पस्सासं
 दुप्पडिग्गहं २२, इच्चेइयाइं बावीसं सुत्ताइं छिन्नच्छेअनइयाणि ससमयसुत्तपरिवाडीए इच्चेइयाइं बावीसं सुत्ताइं अच्छिन्नच्छेअनइयाणि आजीवियसुत्तपरिवाडीए इच्चेइयाइं बावीसं
 सुत्ताइं तिगणइयाणि तेरासियसुत्तपरिवाडीए इच्चेइयाइं बावीसं सुत्ताइं चउक्कनइयाणि ससमयसुत्तपरिवाडीए, एवामेव सपुट्टावरेणं अट्टासीई सुत्ताइं भवंतीतिमक्कखायं, से तं सुत्ताइं,
 से किं तं पुट्टगए?, २ चउदसविहे पणत्ते, तंजहा-उप्पायपुट्टं अग्गाणीयं वीरियं अत्थिनत्थिप्पवायं नाणप्पवायं सच्चपवायं आयप्पवायं कम्मप्पवायं पच्चक्खाणप्पवायं विज्जणुप्पवायं
 अवंझं पाणाऊ किरिआविसालं लोकबिंदुसारं, उप्पायपुट्टस्स णं दस वत्थू चत्तारि चूलियावत्थू पन्नत्ता, अग्गेणीयपुट्टस्स णं चोदस वत्थू दुवालस चूलिआवत्थू पणत्ता, वीरियपुट्टस्स
 णं अट्ट वत्थू अट्ट चूलिआवत्थू पणत्ता, अत्थिनत्थिप्पवायपुट्टस्स णं अट्टारस वत्थू दस चूलिआवत्थू पणत्ता, नाणप्पवायपुट्टस्स णं बारस वत्थू पणत्ता, सच्चपवायपुट्टस्स णं दोण्णि
 वत्थू पणत्ता, आयप्पवायपुट्टस्स णं सोलस वत्थू पणत्ता, कम्मप्पवायपुट्टस्स णं तीसं वत्थू पणत्ता, पच्चक्खाणपुट्टस्स णं वीसं वत्थू पन्नत्ता, विज्जाणुप्पवायपुट्टस्स णं पन्नरस वत्थू
 पणत्ता, अवंझपुट्टस्स णं बारस वत्थू पन्नत्ता, पाणाउपुट्टस्स णं तेरस वत्थू पणत्ता, किरिआविसालपुट्टस्स णं तीसं वत्थू पणत्ता, लोकबिंदुसारपुट्टस्स णं पणुवीसं वत्थू पणत्ता 'दस
 चोदस अट्ट (य)ट्टारसेव बारस दुवे य वत्थूणि । सोलस तीसा वीसा पन्नरस अणुप्पवायंमि ॥८२॥ बारस इक्कारसमे बारसमे तेरसेव वत्थूणि । तीसा पुण तेरसमे चोदसमे पणुवीसाओ
 ॥३॥ चत्तारि दुवालस अट्ट चेव दस चेव चुल्लवत्थूणि । आइल्लाण चउण्हं सेसाणं चूलिआ नत्थि ॥८४॥ से तं पुट्टगए, से किं तं अणुओगे?, २ दुविहे पणत्ते, तंजहा-मूलपढमाणुओगे
 य गंडिआणुओगे य, से किं तं मूलपढमाणुओगे?, २ णं अरहंताणं भगवंताणं पुव्वभवा देवलोगगमणाइं आउं चवणाइं जम्मणाणि अभिसेआ रायवरसिरीओ पव्वज्जाओ तवा य उग्गा
 केवलनाणुप्पयाओ तित्थपवत्तणाणि य सीसा गणा गणहरा अज्जा य पवत्तिणीओ संघस्स चउव्विहस्स जं च परिमाणं जिणमणपज्जवओहिनाणी सम्मत्तसुयनाणिणो य वाई अणुत्त-
 रगई य उत्तरवेउव्विणो य मुणिणो जत्तिआ सिद्धा सिद्धिपहो जहा य देसिओ जच्चिरं च कालं पाओवगया जे जहिं जत्तिआइं भत्ताइं छेइत्ता अंतगडे मुणिवरुत्तमे तमरओघविष्पमुक्के
 मुखमुहमणुत्तरं च पत्ते, एवमन्ने य एवमाइभावा मूलपढमाणुओगे कहिआ, सेत्तं मूलपढमाणुओगे, से किं तं गंडियाणुओगे?, २ कुलगरगंडियाओ तित्थयरगंडियाओ चक्कवट्टिगं-
 डियाओ दसार० बलदेव० वासुदेव० गणधर० भद्दबाहु० तवोकम्म० हरिवंस० उस्सप्पिणी० ओसप्पिणी० चित्तंतरगंडियाओ अमरनरतिरियनिरयगइगमणविविहपरियट्टणेसु एवमा-
 इयाओ गंडियाओ आघविज्जंति, से तं गंडियाणुओगे, से तं अणुओगे, से किं तं चूलियाओ?, २ चउण्हं पुट्टाणं चूलिया, सेसाइं पुट्टाइं अचूलियाइं, से तं चूलियाओ, दिट्टिवायस्स णं
 परिता वायणा संखेज्जा० संखेज्जाओ संगहणीओ, से णं अंगट्टयाए वारसमे अंगे एगे सुयक्खंधे चोदस पुट्टाइं संखेज्जा वत्थू संखेज्जा चूलवत्थू संखेज्जा पाहुडा संखेज्जा पाहुडपा-
 हुडा संखेज्जाओ पाहुडियाओ संखेज्जाओ पाहुडपाहुडियाओ संखेज्जाइं पयसहस्साइं पयग्गेणं संखेज्जा अक्खरा अणंता गमा अणंता पज्जवा० उवदंसिज्जंति, से एवं आया० एवं
 आघविज्जंति०, से तं दिट्टिवाए १५७ इच्चेइयंमि दुवालसंगे गणिपिडगे अणंता भावा अणंता अभावा अणंता हेऊ अणंता अहेऊ अणंता कारणा अणंता अकारणा अणंता जीवा अणंता

अजीवा अणंता भवसिद्धिया अणंता अभवसिद्धिया अणंता सिद्धा अणंता असिद्धा पणत्ता 'भावमभावा हेऊमहेउ कारणमकारणे चेव । जीवाजीवा भवियमभविया सिद्धा असिद्धा य ॥ ८५ ॥ इच्छेइयं दुवालसंगं गणिपिडगं तीए काले अणंता जीवा आणाए विराहित्ता चाउरंतं संसारकंतरं अणुपरियट्टिसु, इच्छेइयं दुवालसंगं गणिपिडगं पडुप्पणकाले परित्ता जीवा आणाए विराहित्ता चाउरंतं संसारकंतरं अणुपरियट्टिति, इच्छेइयं दुवालसंगं गणिपिडगं अणागए काले अणंता जीवा आणाए विराहित्ता चाउरंतं संसारकंतरं अणुपरियट्टिस्संति, इच्छेइयं दुवालसंगं गणिपिडगं तीए काले अणंता जीवा आणाए आराहित्ता चाउरंतं संसारकंतरं वीईवइंसु इच्छेइयं दुवालसंगं गणिपिडगं पडुप्पणकाले परित्ता जीवा आणाए आराहित्ता चाउरंतं संसारकंतरं वीईवयंति, इच्छेइयं दुवालसंगं गणिपिडगं अणागए काले अणंता जीवा आणाए आराहित्ता चाउरंतं संसारकंतरं वीईवइस्संति, इच्छेइयं दुवालसंगं गणिपिडगं न कयाइ नासी न कयाइ न भवइ न कयाइ न भविस्सइ भुविं च भवइ य भविस्सइ य धुवं नियए सासए अक्खए अब्बए अवट्टिए निच्चे, से जहानामए पंचत्थिकाए न कयाइ नासी न कयाइ न भवइ न कयाइ न भविस्सइ भुविं च भवइ य भविस्सइ य धुवे नियए सासए अक्खए अब्बए अवट्टिए निच्चे, एवामेव दुवालसंगे गणिपिडगे न कयाइ नासी न कयाइ नत्थि न कयाइ न भविस्सइ भुविं च भवइ य भविस्सइ य धुवे नियए सासए अक्खए अब्बए अवट्टिए निच्चे, से समासओ चउच्चिहे पणत्ते, तंजहा-दब्बओ खित्तओ कालओ भावओ, तत्थ दब्बओ णं सुयनाणी उवउत्ते सब्बदब्बाइं जाणइ पासइ, खित्तओ णं सुयनाणी उवउत्ते सब्बं खेत्तं जाणइ पासइ, कालओ णं सुयनाणी उवउत्ते सब्बं कालं जाणइ पासइ, भावओ णं सुयनाणी उवउत्ते सब्बे भावे जाणइ पासइ । ५८ । 'अक्खर सत्री सम्मं साईयं खलु सपज्जवसियं च । गमियं अंगपविट्टं सत्तवि एए सपडिवक्खा ॥ ६ ॥ आगमसत्थग्गहणं जं बुद्धिगुणेहिं अट्टहिवि दिट्ठं । बिंति सुयनाणलंभं तं पुब्विसारया धीरा ॥ ७ ॥ सुस्सुसइ पडिपुच्छइ सुणइ गिण्हइ य ईहए यावि । तत्तो अपोहए वा धारेइ करेइ वा सम्मं ॥ ८ ॥ मूयं हुंकारं वा बाढक्कार पडिपुच्छ वीमंसा । तत्तो पसंगपारायणं च परिणिट्ट सत्तमए ॥ ९ ॥ सुत्तत्थो खलु पढमो बीओ निज्जुत्तिमीसिओ भणिओ । तइओ य निरवसेसो एस विही होइ अणुओगे ॥ ९० ॥ से तं अंगपविट्टं, से तं सुयनाणं, से तं परोक्खं, से तं नंदी ॥ ५९ ॥ नंदी समत्ता । ॥ ॥ से किं तं अणुत्ता ?, २ छविहा पणत्ता, तंजहा-नामाणुण्णा ठवणाणुण्णा दब्बाणुण्णा खित्ताणुण्णा कालाणुण्णा भावाणुण्णा, से किं तं नामाणुण्णा ?, २ जस्स णं जीवस्स वा अजीवस्स वा जीवाणं वा अजीवाणं वा तदुभयस्स वा तदुभयाणं वा अणुणत्ति नामं कीरइ से तं नामाणुण्णा, से किं तं ठवणाणुण्णा ?, ठवणाणुण्णा जं णं कट्टकम्मे वा पोत्थकम्मे वा लिप्पकम्मे वा चित्तकम्मे वा गंथिमे वा वेढिमे वा पूरिमे वा संघाइमे वा अक्खे वा वराडए वा एगे वा अणेगे वा सब्भावठवणाए वा असब्भावठवणाए वा अणुणत्ति ठवणा ठविज्जइ, से तं ठवणाणुण्णा, नामठवणाणं को पइविसेसो ?, नामं आवकहिअं ठवणा इत्तरिआ वा हुज्जा आवकहिआ वा, से किं तं दब्बाणुण्णा ?, २ दुविहा पणत्ता, तंजहा-आगमओ य नोआगमओ य, से किं तं आगमओ दब्बाणुण्णा ?, जस्स णं अणुणत्ति पयं सिक्खियं ठियं जियं मियं परिजियं नामसमं घोससमं अहीणक्खरं अणच्चक्खरं अब्बाइद्वक्खरं अक्खलियं अमिलियं अविच्चामेलियं पडिपुण्णं पडिपुण्णघोसं कंठोद्विप्पमुक्कं गुरुवायणोवगयं से णं तत्थ वायणाए पुच्छणाए परियट्टणाए धम्मकहाए, नो अणुप्पेहाए, कम्हा ?, अणुवओगो दव्वमितिकट्टु, नेगमस्स एगे अणुवउत्ते आगमओ इक्का दव्वाणुण्णा दुन्नि अणुवउत्ता आगमओ दुण्णि दव्वाणुण्णाओ एवं जावइया अणुवउत्ता तावइयाओ दव्वाणुण्णाओ, एवमेव ववहारस्सवि, संगहस्स एगो वा अणेगो वा अणुवउत्तो वा अणुवउत्ता वा सा एगा दव्वाणुण्णा, उज्जुसुअस्स एगे अणुवउत्ते आगमओ एगा दव्वाणुण्णा, पुहुत्तं नेच्छइ, तिण्हं सहनयाणं जाणए अणुवउत्ते अवत्थू, कम्हा ?, जइ जाणए अणुवउत्ते न भवइ, जइ अणुवउत्ते जाणए न भवइ, से तं आगमओ दव्वाणुण्णा, से किं तं नोआगमओ दव्वाणुण्णा ?, नोआगमओ दव्वाणुण्णा तिविहा, तंजहा-जाणगसरीरदव्वाणुण्णा भवियसरीरदव्वाणुण्णा जाणग-सरीरभवियसरीरवइरित्ता दव्वाणुण्णा, से किं तं जाणगसरीरदव्वाणुण्णा ?, २ अणुणत्तिपयत्थाहिगारजाणगस्स जं सरीरं ववगयचुयचावियचत्तदेहं जीवविप्पजटं सिज्जागयं वा संथा-रगयं वा निसीहियागयं वा सिद्धिसिलातलगयं वा अहो णं इमेणं सरीरसमुस्सएणं अणुणत्तिपयं आघवियं पन्नवियं परूवियं दंसियं निदंसियं उवदंसियं, जहा को दिट्ठंतो ?, अयं घयकुंभे आसी अयं महुकुंभे आसी, से तं जाणगसरीरदव्वाणुण्णा, से किं तं भवियसरीरदव्वाणुण्णा ?, २ जे जीवे जोणीजम्मणनिकखंते इमेणं चेव सरीरसमुस्सएणं आदत्तेणं जिण-दिट्ठेणं भावेणं अणुणत्तिपयं सेयकाले सिक्खिस्सइ न ताव सिक्खइ, जहा को दिट्ठंतो ?, अयं घयकुंभे भविस्सइ अयं महुकुंभे भविस्सइ, सेत्तं भविअसरीरदव्वाणुण्णा, से किं तं जाण-गसरीरभविअसरीरवइरित्ता दव्वाणुण्णा ?, २ तिविहा पणत्ता, तंजहा-लोइया लोउत्तरिया कुप्पावयणिया य, से किं तं लोइया दव्वाणुण्णा ?, २ तिविहा पणत्ता, तंजहा-सचित्ता अ-

मुनि दीपरत्तसागर

चित्ता मीसिया, से किं तं सचित्ता ? २ से जहानामए रायाइ वा जुवरायाइ वा ईसरेइ वा तलवरेइ वा माडंबिएइ वा कोडुंबिएइ वा इब्भेइ वा सेट्टीइ वा सत्थवाहेइ वा सेणावईइ वा कस्सई कम्मि कारणे तुट्टे समाणे आसं वा हत्थि वा उट्टं वा गोणं वा खरं वा घोडयं वा एलयं वा अयं वा दासं वा दासिं वा अणुजाणिज्जा, सेत्तं सचित्ता, से किं तं अचित्ता ? २ से जहानामए रायाइ वा० कस्सई कम्मि कारणे तुट्टे समाणे आसणं वा सयणं वा छत्तं वा चामरं वा पडगं(ट्टं) वा मउडं वा हिरणं वा सुवणं वा कंसं वा दूसं वा मणिमुत्तिअसंखसि- लप्पवालरत्तरयणमाइयं संतसारसावइज्जं अणुजाणिज्जा, से तं अचित्ता, से किं तं मीसिया ? २ से जहानामए रायाइ वा० कस्सई कम्मि कारणंमि तुट्टे समाणे हत्थि वा मुहभंडगमंडियं आसं वा घासगचामरपरिमंडियं दासं वा दासिं वा सब्बालंकारविभूसियं अणुजाणिज्जा, से तं मीसिया दब्बाणुण्णा, से तं लोइया दब्बाणुण्णा, से किं तं कुप्पावयणिया दब्बाणुण्णा ? २ तिविहा पण्णत्ता, तंजहा-सचित्ता अचित्ता मीसिया, से किं तं सचित्ता ? २ से जहानामए आयरिएइ वा उवज्झाएइ वा कस्सई कम्मि कारणे जहेव लोइया नवरं दायारो आयरिय- उवज्झाया, से तं कुप्पावयणिया दब्बाणुण्णा, से किं तं लोउत्तरिया दब्बाणुण्णा ? २ तिविहा पण्णत्ता, तंजहा-सचित्ता अचित्ता मीसिया, से किं तं सचित्ता ? २ से जहानामए आय- रिएइ वा उवज्झाएइ वा पवत्तएइ वा थेरेइ वा गणीइ वा गणहरेइ वा गणावच्छेयएइ वा सिस्सस्स वा सिस्सिणीए वा कम्मि य कारणे तुट्टे समाणे सिस्सं वा सिस्सिणीयं वा अणुजा- णिज्जा, से तं सचित्ता, से किं तं अचित्ता ? २ अचित्तावि एवमेव नवरं वत्थं वा पायं वा पडिग्गहं वा कंबलं वा पायपुंछणं वा अणुजाणिज्जा, से तं अचित्ता, से किं तं मीसिया ? २ मीसि- गावि एवमेव नवरं सिस्सं वा सिस्सिणीअं वा सभंडमत्तोवगरणं अणुजाणिज्जा, से तं मीसिया, से तं लोउत्तरिया, से तं जाणगसरीरभविअसरीरवइरित्ता दब्बाणुण्णा, से तं नोआगमओ दब्बाणुण्णा, से तं दब्बाणुण्णा, से किं तं खित्ताणुण्णा ? २ खित्ताणुण्णा जण्णं जस्स खित्तं अणुजाणइ जत्तिअं वा खेत्तं जम्मि वा खित्ते, से तं खित्ताणुण्णा, से किं तं कालाणुण्णा ? २ जण्णं जस्स कालं अणुजाणइ जत्तिअं वा कालं जम्मि वा काले अणुजाणइ, से तं कालाणुण्णा, से किं तं भावाणुण्णा ? २ तिविहा पण्णत्ता, तंजहा-लोइआ कुप्पावयणिया लोउत्त- रिया, से किं तं लोइआ भावाणुण्णा ? २ से जहानामए रायाइ वा जुवरायाइ वा जाव तुट्टे समाणे कस्सई कोहाइभावं अणुजाणिज्जा, से तं लोइया भावाणुण्णा, से किं तं कुप्पावय- णिया भावाणुण्णा ? २ से जहानामए केइ आयरिए वा जाव कस्सवि कोहाइभावं अणुजाणिज्जा, सेत्तं कुप्पावयणिया भावाणुण्णा, से किं तं लोउत्तरिया भावाणुण्णा ? २ से जहा- नामए आयरिए वा जाव कम्मि कारणे तुट्टे समाणे कालोचियनाणाइगुणजोगिणो विणीयस्स खमाइपहाणस्स सुसीलस्स सिस्सस्स तिविहेणं तिगरणविसुद्धेणं भावेणं आयारं वा सूयगडं वा ठाणं वा समवायं वा विवाहपण्णत्तिं वा नायाधम्मकहं वा उवासगदसाओ वा अंतगडदसाओ वा अणुत्तरोववाइयदसाओ वा पण्हावागरणं वा विवागसुयं वा दिट्ठिवायं वा सब्बगुणपज्जवेहिं सब्बाणुओगं अणुजाणिज्जा, से तं लोउत्तरिया भावाणुण्णा, 'किमणुण्णा कस्सऽणुण्णा केवइकालं पवत्तिआऽणुण्णा । आइगर पुरिमताले पवत्तिया उसहसेणस्स ॥ १ ॥ अणुण्णा उण्णमणी नमणी नामणी ठवणा पभावो पभावनं पयारो । तदुभयहिय मज्जाया नाओ मग्गो य कप्पो य ॥ २ ॥ संगह संवर निज्जर ठिइकारण चेव जीववुड्ढिपयं । पय- पवरं चेव तहा वीसमणुण्णाइ नामाइ ॥ ३ ॥ अणुण्णानंदी समत्ता ॥ नाणं पंचविहं पण्णत्तं, तंजहा-आभिणिबोहियनाणं सुयनाणं ओहिनाणं मणपज्जवनाणं केवलनाणं, तत्थ णं चत्तारि नाणाइं ठप्पाइं ठवणिज्जाइं नो उद्विस्सिज्जंति नो समुद्विस्सिज्जंति नो अणुण्णविज्जंति, सुयनाणस्स पुण उद्वेसो समुद्वेसो अणुण्णा अणुओगो य पवत्तइ, जइ सुयनाणस्स उद्वेसो समुद्वेसो अणुण्णा अणुओगो पवत्तइ किं अंगपविट्ठस्स उद्वेसो समुद्वेसो अणुण्णा अणुओगो पवत्तइ ? किं अंगबाहिरस्स उद्वेसो समुद्वेसो अणुण्णा अणुओगो पवत्तइ ? गो० ! अंगपविट्ठस्सवि उद्वेसो समुद्वेसो अणुण्णा अणुओगो पवत्तइ, इमं पुण पट्टवणं पडुच्च अंगबाहिरस्स उद्वेसो०, जइ अंगबाहिरस्स उद्वेसो जाव अणुओगो पवत्तइ किं कालियस्स उद्वेसो० किं उक्कालि- यस्स उद्वेसो० ? गो० ! कालियस्सवि उद्वेसो० उक्कालियस्सवि उद्वेसो०, इमं पुण पट्टवणं पडुच्च उक्कालियस्स उद्वेसो०, जइ उक्कालियस्स उद्वेसो० किं आवस्सगस्स उद्वेसो समुद्वेसो अणुण्णा अणुओगो पवत्तइ ? आवस्सगवइरित्तस्स० ? गो० ! आवस्सगस्सवि उद्वेसो०, आवस्सगवइरित्तस्सवि उद्वेसो०, जइ आवस्सगस्स उद्वेसो किं सामाइयस्स चउवीसत्थयस्स वंद- णस्स पडिक्कमणस्स काउस्सग्गस्स पच्चक्खाणस्स ? २ सब्बेसिं एतेसिं उद्वेसो समुद्वेसो अणुण्णा अणुओगो पवत्तइ, जइ आवस्सगवइरित्तस्स उद्वेसो० किं कालियसुयस्स उद्वेसो० ? उक्का- लियसुयस्स उद्वेसो० ? कालियस्सवि उद्वेसो०, उक्कालियस्सवि उद्वेसो०, जइ उक्कालियस्स उद्वेसो किं दसवेकालियस्स कप्पियाकप्पियस्स चुल्लकप्पसुयस्स महाकप्पसुयस्स उववा- इयसुयस्स रायपसेणीसुयस्स जीवाभिगमस्स पण्णवणाए महापण्णवणाए पमायप्पमायस्स नंदीए अणुओगदारानं देविंदथयस्स तंदुलवेयालियस्स चंदाविज्झयस्स सूरपण्णत्तीए

पोरिसिमंडलस्स मंडलप्पवेसस्स विज्जाचरणविणिच्छियस्स गणिविज्जाए संलेहणासुयस्स विहारकप्पस्स वीयरगसुयस्स ज्ञाणविभत्तीए मरणविभत्तीए मरणविसोहीए आयविभत्तीए
आयविसोहीए चरणविसोहीए आउरपच्चक्खाणस्स महापच्चक्खाणस्स ?, सब्बेसिं एएसिं उद्देशो समुद्देशो अणुण्णा अणुओगो पवत्तइ, जइ कालियस्स उद्देशो जाव अणुओगो पवत्तइ
किं उत्तरज्झयणाणं दसाणं कप्पस्स ववहारस्स निसीहस्स महानिसीहस्स इसिभासियाणं जंबुद्दीवपण्णत्तीए चंदपण्णत्तीए दीवपण्णत्तीए सागरपण्णत्तीए खुड्डियाविमाणपविभत्तीए
महद्धियाविमाणपविभत्तीए अंगचूलियाए वग्गचूलियाए विवाहचूलियाए अरुणोववाए वरुणोववाए गरुलोववाए धरणोववाए वेसमणोववाए वेत्तंधरोववायस्स देविंदोववायस्स उट्टा-
णसुयस्स समुट्टाणसुयस्स नागपरियावणियाणं निरयावलियाणं कप्पियाणं कप्पवड्डिसियाणं पुप्फियाणं पुप्फचूलियाणं वण्हदसाणं आसीविसभावणाणं दिट्ठिविसभावणाणं चारणभा०
सुमिणभा० महासुमिणभा० तेयग्गिनिसग्गाणं ?, सब्बेसिंपि एएसिं उद्देशो जाव अणुओगो पवत्तइ, जइ अंगपविट्टस्स उद्देशो जाव अणुओगो पवत्तइ किं आयारस्स सूयगडस्स ठाणस्स
समवायस्स विवाहपण्णत्तीए नायाधम्मकहाणं उवासगदसाणं अंतगडदसाणं अणुत्तरोववाइयदसाणं पण्हावागरणाणं विवागसुयस्स दिट्ठिवायस्स ?, सब्बेसिंपि एएसिं उद्देशो समुद्देशो अणु-
ण्णा अणुओगो पवत्तइ, इमं पुण पट्टवणं पट्टुच्च इमस्स साहुस्स इमाए साहुणीए उद्देशो समुद्देशो अणुण्णा अणुयोगो पवत्तइ, खमासमणाणं हत्थेणं सुत्तेणं अत्थेणं तदुभएणं उद्देशामि
समुद्देशामि अणुजाणामि ॥ अनुज्ञानन्दीयुतं श्रीनन्दीसूत्रं ? सोराष्ट्रे उपसिद्धाद्रि पादलिप्तपुरे शिलोत्कीर्णसकलागमागममंदिरे वीरविभोः २४६९ विक्रमस्य १९९९ पौषशुक्लप्रतिपदि ।